

*Idea positiva substantiæ immaterialis
æquæ est intelligibilis ac materialis.*

Quis Vigor æternus, vel quæ cœlestis Imago,
Qui sit mole exutus Homo, Dic, fusa per artus
Ut sese exercet *Divina particula aura*,
Dic Anima; impulsusque tuos, oculosque; latentem
Pinge Tui speciem; ut fluxus, variosque; refluxus
Spiritus intus agit; levibusque; meatibus errans,
Nunc solidum penetrat, nunc ictâ fortius aurâ,
In motum cogit; viresque impellit, & æstus
Sanguinis accendens, vitamque; & fata gubernat;
Ut spatium quandoque; implet, seseque; remittens
Confluit in punctum, aut toto se corpore miscet,
Subtili & tacito perlabens flumine venas.
Nulla Tui ferro pars pervia, vulnere nullo
Fixa dolet; si membra putes, iterumque; putares,
Icta fugit, pulsæ similisque; reciprocatur undæ.

Pande aliquis vestrum qui jam læta arva tenetis,
Pande per Elysios quæ sint commercia campos;
Quid faciunt Umbræ, atque; *Auræ simplicis ignes*,
Fælices Animæ, quæ nullo carcere clausæ,
Huc illuc agiles volitant, nec Corporis obstat
Moles, ætheriosve iterum disjungit amores,
Quin castis coeunt Umbrarum amplexibus Um-
Sic intellectum subeunt, varioque volatu (bræ.
Hinc atque; inde Cavâ ludunt sub imagine formæ.
Si toties glomerantur in uno mille cerebro
Materiæ undantis species, si sylva, domusque;
Frænataque acies puncto miscentur in uno;
An non innumeras possint aperire fenestras
Umbrarum vis nuda, & inextricabilis aura?

E R G O, Papicolæ, cur non hanc discitis artem?
(Fingere vel primis pulchre didicistis ab annis)
Cur formæ cœlestis nihil, nil corporis expers,
Roma, nihil præter simulachra effingere possis?
Sede suâ *Mentem Divinam* longius arcent
Insidiæ, bellique, & cædis dira Cupido.

*Potestatem boni Principis legislati-
vam non imminuit requisitus populi
consensus.*

Pro lubitu Rex cuncta facit, Rex cuncta gubernat,
Juraque pro arbitrio, datque; aboletque; Pater;
Profilit Imperium moderantis ab ore Lycurgi,
Vox capit à Domino vimque; animumque; suo;
Jam demum & vivâ moderatur voce senatum,
Dum solus Leges, quas rogat Ille, jubet.
Qualiter in Cœlis Divum Pater, atque; hominum Rex
Convocat ad superos *Numina magna* Lares,
Et de plebe Deos; seu ruptis arma cavernis
Enceladus Siculas jactet in astra faces,
Seu sacras sedes nova vis aliundè laceffat,
Dum variè Regnum spesque; timorque; trahit,
Ipse sedens folio, sceptroque; innixus eburno,
Sollicitos placidâ consultat aure Deos,
Diversas tacito delibrans pectore voces
Rectricem tandem fulminat ore *suam*.
Hâc firmat, figit, Divum & rata verba figillat;
Et dicta in fatum solus abire jubet.

E R G O,

Ad Jovis Exemplum sese exerit alma Potestas
Principis, & vibrat se Carolina manus.
Voce suâ populum moderatur, voce Senatum,
Consilioque; regit solus utramque Domum.

Jul. 1. 1679. In die Comit. Resp. in Philos. *fa. Linfeild*,
A. M. Coll. Trin. Soc.

41